



PRIHATIN: Zamri (tujuh kanan) dan Syahmi (tengah) bersama AJK Penganjur program Agihan Sarapan Percuma Coffee To Go Jalinan Kasih Siswa UMSKAL.
UB 07.05.2024 P.06

Pelajar UMSKAL terima sarapan percuma kurangkan kos perbelanjaan

LABUAN: Universiti Malaysia Sabah Kampus Antarabangsa Labuan (UMSKAL) dengan kerjasama Pusat Pungutan Zakat (PPZ) Cawangan Labuan — Majlis Agama Islam Wilayah Persekutuan (MAIWP) Cawangan Labuan telah mengadakan program Agihan Sarapan Percuma Coffee To Go di Ruang Legar Menara UMS-KAL, pada Isnin.

Program bermula jam 7.30 pagi itu dirasmikan Ketua Pentadbiran UMSKAL, Zamri Mohammad Tuah yang mewakili Pengarah UMSKAL, Prof. Madya Dr. Mohamad Rizal Abd Hamid.

Turut hadir wakil Penolong Pengurus PPZ - MAIWP Cawangan Labuan, Syahmi Saiful dan Ketua Sektor Hal Ehwal Pelajar, Nur Iman Reezdal.

Hadir sama Penyelaras Program, Noreffaizza Jali, Pengarah Program Jalinan Kasih Siswa, Muhammad Fauzi Lilt Suhender dan Timbalan Presiden KAL Majlis Perwakilan Pelajar (MPP), Mohammad Shazwan Shah Mahrof serta barisan MPP UMSKAL.

Zamri berkata Agihan Sarapan Percuma Coffee To Go adalah inisiatif UMSKAL dalam membantu mengurangkan kos perbelanjaan pelajar UMSKAL.

Di samping itu, katanya, ia mewujudkan gaya hidup sihat dan menjaga tahap kebajikan pelajar di dalam kampus.



AGIH: Zamri (kanan) bersama Syahmi (dua kanan) mengagihkan minuman kopi dan kuih kepada pelajar sempena program Agihan Sarapan Percuma Coffee To Go Jalinan Kasih Siswa UMSKAL



KONGSI: Zamri (dua kanan) bersama Syahmi (tiga kiri) mengagihkan minuman kopi kepada pelajar diperhatikan Nur Iman (dua kiri), Noreffaizza (kiri) dan Muhammad Fauzi (kanan) sempena program Jalinan Kasih Siswa UMSKAL.